


IBhayibheli LaBantwana Likulethela



Inkosi
Ehlaniphihle
USolomoni



Ibhalwe ngu: Edward Hughes

Kwabonakala ngu: Lazarus; Alastair P.

Ifanekiswe ngu: Ruth Klassen

Itolikwe ngu: Goodwill Sithembiso Gwala

Ikhqiqizwe ngu: Bible for Children

www.M1914.org

©2022 Bible for Children, Inc.

iLayisensi: Abantu bangazithathela noma bephrinte izinto kulendaba egunyazwe ngokomthetho kodwa akumele bazidayise.



INkosi uDavide yayiyindoda enkulu kaNkulunkulu.
Phakathi nokubusa kwakhe, u-Israyeli wayekhule
ngokuphindwe kashumi kunombuso weNkosi uSawule.

Kodwa manje wayengasakwazi ukubusa. UDavide
wayesemdala.

Futhi
ekhathele!
Futhi egula!
Ukuphila
kwakhe
emhlabeni
kwase
kuzophela.




Enye yamadodana
amaningi kaDavide,




u-Adoniya, watshela
abantu bakwa-Israyeli
ukuthi manje uzoba
inkosi. Nakuba igama
lakhe lisho ukuthi "INkosi
yami inguNkulunkulu,"
u-Adoniya wayengeyena
umuntu olungile. Wazama
ukweba isihlalo sobukhosi,
azi ukuthi uDavide
wayebuthakathaka kakhulu
ukuba angamelana naye.
Kodwa uNkulunkulu
wayenamanye amacebo!




UmkaDavide uBati
Sheba wayazi ukuthi
indodana yakhe
uSolomoni kufanele ibe
inkosi. Watshela uDavide
ngamacebo ka-Adoniya.
Njengoba ayegula,
uDavide wabutha abaholi
bakhe futhi wambeka
obala uSolomoni inkosi
yakwa-Israyeli.



USolomoni akabange esaba nenkinga ngo-Adoniya, ngokuba abantwana bakwa-Israyeli bakholwa nguDavide. UDavide wabatshela ukuthi uSolomoni nguye uNkulunkulu ayemkhethile ukuthi abe yinkosi yabo. Ngokushesha ngemva kwalokho, uDavide wafa.





Ngaphambi kokuba uDavide afe, wakhuluma noSolomoni ngokulalela uNkulunkulu nokuba inkosi elungile. "Hamba ezindleleni zikaNkulunkulu, ukuze uphumelele kukho konke okwenzayo," uDavide watshela indodana yakhe. Kwakuyiseluleko esihle leso! USolomoni wayesehlala esihlalweni sobukhosi sikayise uDavide, umbuso wakhe waqiniswa.



Ngobunye ubusuku, uSolomoni waphupha. Ephusheni
lakhe, uNkulunkulu wabonakala
kuye, wathi, "Cela!
Ubungacelani?"
Ubungacelani?"



USolomoni wacela ukuhlakanipha ukuze abe inkosi
elungile. Isicelo senkosi esencane
samjabulisa uNkulunkulu.

USolomoni wakuthola
akucelayo-kodwa
uNkulunkulu
wamthembisa
ingcebo
nodumo
olukhulu.




Akuzange kuthathe isikhathi eside ukuthi abantu bathole ukuhlakanipha kukaSolomoni. Ngolunye usuku, kwafika omama ababili phambi kwakhe,

benomntwana oyedwa. "Indodana yalo wesifazane yashona ebusuku, wabe eseshintsha ingane yakhe efile wathatha eyami ephilayo," kusho enye intokazi. "Cha! Kodwa ophilayo indodana YAMI, ofileyo indodana yakho" kusho enye intokazi.

Inkosi yayizokwazi kanjani ukuthi yimuphi umama weqiniso?



Inkosi yathi, "Ngiletheleni inkemba." Baletha inkemba phambi kwenkosi. Ucabanga ukuthi inkosi yayihlela ukwenzani ngenkemba?



Inkosi yasisithi, Dabulani phakathi umntwana ophilayo, ninike omunye ingxenye, nomunye. Wayesethi unina womntwana ophilayo, "Nkosi yami, mnikeni yena umntwana ophilayo, ningambulali nakanye."



Kodwa omunye wathi,
Kangabi ngowami
noma owakho, kodwa
mehlukanise.







Inkosi yasisithi, "Nika umfazi wokuqala umntwana ophilayo. Nguye unina." Wonke u-Israyeli wezwa isahlulelo, bayihlonipha kakhulu inkosi. Babona ukuthi ukuhlakanipha kukaNkulunkulu kwakukuye.



Abantu bakwa-Israyeli
babengenalo ithempeli
lokukhulekela uNkulunkulu.
Lapho uDavide ehlela ukwakha
uNkulunkulu wayethe, "Indodana
yakho iyokwakhela iGama
lami indlu."




Ngakho
uSolomoni waqala
ukwakha ithempeli
elimangalisayo
eJerusalema.



Kwathatha iminyaka
eyisikhombisa ukwakha
ithempeli. Kodwa
kwafika usuku olukhulu
lapho bonke babuthana
ukuze bazolalela
uSolomoni
enikezela

ithempeli
kuJehova.




Ngemva komthandazo
omangalisayo, inkosi
nabantu banikela
ngezinkulungwane

zemihlatshelo
futhi baba
nedili

elikhulu
amasonto amabili!




Ngemva kwalokhu,
uNkulunkulu waphinde
wabonakala kuSolomoni
futhi wathembisa
ukumbusisa yena no-Israyeli
ingobo nje uma belalela
uJehova.



Ngokudabukisayo, uSolomoni noba abantu bakwa-Israyeli abazange bamlalele uNkulunkulu ngaso sonke isikhathi. Inkosi yashada nabesifazane abaningi uNkulunkulu ayengafuni ishade nabo. Abafazi bakhe bezizwe baphendulela inhliziyo yakhe ekulandeleni izithombe; inhliziyo yakhe yayingekho kuJehova uNkulunkulu wakhe njengenhliziyo kaDavide uyise.




Ngenkathi uSolomoni echitha ithuba lakhe lokulalela uNkulunkulu, esinye sezikhulu zakhe uJerobowamu saba nesenzakalo esiyingaba. Umprofethi wamtshela ukuthi uNkulunkulu uzohlukanisa umbuso kaSolomoni futhi uJerobowamu uzobusa phezu kwezizwe eziyishumi kwezinyishumi nambili. Ngokushesha uJerobowamu wabalekela eGibhithe.



Wayazi ukuthi uSolomoni uzombulala uma engahlala.





Ekugcineni uSolomoni wafa. Indodana yakhe, uRehobowamu, yakhokhisa abantu ngokubi kakhulu kunoSolomoni. Izizwe eziyishumi zahlubuka - futhi zakhetha uJerobowamu ukuba abe umholi wazo. Umbuso omkhulu kaSolomoni wahlukana kabili, njengoba nje umprofethi kaNkulunkulu ayeshilo. UNkulunkulu akakwazi ukubusisa ukungalaleli!



Inkosi Ehlakaniphile USolomoni

Indaba evela kwiZwi laNkulunkulu, iBhayibheli,

Itholakala

1 AmaKhosi 1-12

"Ukwambulwa kwaMazwi Akho kuyakhanyisa."
AmaHubo 119:130



Yaphela



Lendaba yeBhayibheli isitshela ngoNkulunkulu wethu uyisimanga owasidala futhi ofuna ukuthi wena wazane Naye.

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa, ngokuba uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwetshelwe izono zethu. UJesu wase evuka ekufeni wanyukela ezulwini ekhaya lakhe! Uma ukholwelwa kuJesu futhi uma Umcela ukuthi akuthethelele izono zakho, Uzokwenza lokho! Uzoza ezophile ngaphakathi kwakho manje, futhi uzophila Naye kuze kube ingunaphakade.

Uma ukholwa ukuthi iqiniso leli, ithi kuNkulunkulu: Nkosi Jesu, Ngiyakholwa ukuthi wena unguNkulunkulu, futhi wehla ezulwini waba inyama ukuze ufele izono zami, wavuka ekufeni usuyaphila futhi. Ngicela ungene empilweni yami ungithethelele izono zami, ukuze ngizokwazi ukuba nempilo entsha, ukuze ngiyokwazi ukuba Nawe kuze kube phakade. Ngisize ukuba ngilalele Wena futhi ngiphilele Wena njengomntwana Wakho. Ameni.

Funda iBhayibheli futhi khuluma noNkulunkulu nsuku zonke! Johane 3:16

